



# **XIX VISITA ASTURIANA PA PESCADAR L'ESTÁU DE LOS DRECHOS HUMANOS Y LA PAZ EN COLOMBIA**



**XIX VISITA ASTURIANA PA PESCUJAR  
L'ESTÁU DE LOS DRECHOS HUMANOS Y  
LA PAZ EN COLOMBIA**



# **XIX VISITA ASTURIANA PA PESCUJAR L'ESTÁU DE LOS DRECHOS HUMANOS Y LA PAZ EN COLOMBIA**

**2023**

**Visita REALIZADA ENTE'L  
13 Y EL 24 DE FEBRERU DEL 2023**

La XIXª delegación asturiana AGRADEZ l'acoyida por parte d'organizaciones ya instituciones colombianas, y de manera especial al Comité de Selección del Programa Asturianu d'Atención a Víctimes de la Violencia en Colombia, PAV-DDHH, integráu por CPDH, CSPP, ONIC, ANDAS, CUT, CAJAR, MOVICE, CNA y Fensuagro, pol acompañamientu nel desarrollu de la nueva visita.

**Semeyes:** XIX Delegación Asturiana

**Edita:** XVII Delegación Asturiana pa Pescudar l'Estáu de los Drechos Humanos y la Paz en Colombia, col apoyu del Conceyu Llangréu + GUE/NGL + ProtectDefenders.eu

**Traduz:** Xosé Firmu García Cosío

**D.L.:** AS 01578-2023

**Imprime:** Gráfiques Ápel

## **La XIX Delegación Asturiana pa Pescudar l'Estáu de los Drechos Humanos en Colombia tevo integrada por:**

1. **RAFAEL PALACIOS GARCÍA.** Diputáu y voceru del Grupu Políticu Podemos na Xunta Xeneral del Principáu d'Asturies.
2. **JAVIER ARJONA MUÑOZ.** Soldepaz Pachakuti.
3. **MATEO GONZÁLEZ CID.** Inxeniería Ensin Fronteres, ISFA.
4. **HELENA PLAZA MARTÍN.** Espaciu mozu de Comisiones Obreres d'Asturies, CC.OO.
5. **RUBÉN FERNÁNDEZ GUTIÉRREZ.** Movimientu Asturianu pola Paz, MASPAZ.
6. **MANUEL ÁLVAREZ MARTÍNEZ.** Movimientu Asturianu pola Paz, MASPAZ.
7. **CRISTINA FERNÁNDEZ ALONSO.** Asamblea Moza d'Asturies, AMA.
8. **MINERVINO DE LA RASILLA SUÁREZ.** Coordinadora Asturiana d'ONGDs.
9. **LUIS ESCRIBANO,** de l'asociación Burgos con Colombia.
10. **JAVIER OROZCO PEÑARANDA.** Director del Programa Asturianu d'Atención a Víctimes de la Violencia en Colombia. Técnicu de la XIX Delegación Asturiana.

### **TERRITORIOS PERCORRÍOS:**

**Departamentu de Nariño:** Tumaco, Pasto.

**Departamentu del Putumayo:** Puerto Guzmán y Villagarzón.

**Departamentu del Huila:** Pitalito.

**Departamentu del Casanare:** Yopal, Nunchía.

**Departamentu d'Arauca:** ciudaes d'Arauca y Saravena.

**Bogotá D.C.**





# ÍNDICE

<b>Presentación</b> .....	9
<b>Estáu de los Alcuerdos de L'Habana y del procesu de Paz coles FARC</b> .....	10
<b>La Xusticia Especial pa la Paz, XEP</b> .....	12
<b>Unidá de Busca de Persones daes por Desapaecíes</b> .....	12
<b>Comisión de la Verdá</b> .....	13
<b>Reforma Rural Integral. Restitución de tierres</b> .....	14
<b>Capítulu étnicu y de xéneru</b> .....	15
<b>Situación col ELN</b> .....	16
<b>Los drechos humanos nel 2022</b> .....	17
<b>Rexones visitaes:</b> .....	21
<b>Nariño</b> .....	21
<b>Putumayo</b> .....	24
<b>Sur del Huila</b> .....	26
<b>Casanare</b> .....	27
<b>Arauca</b> .....	28
<b>1. Ataques a la dirixencia social, persistencia del paramilitarismu</b> .....	31
<b>2. Execuciones estraxudiciales y masacres</b> .....	34
<b>3. Población en situación d'esllarigamientu</b> .....	35
<b>4. Persones privaes de la llibertá. Tortura, tratu cruel, inhumanu o degradante</b> .....	36
<b>5. Muyeres, infancia, mocedá, víctimes, población LGBTI</b> .....	37
<b>6. Impunidá</b> .....	39
<b>7. Puelos indíxenes</b> .....	41
<b>Conclusiones y recomendaciones</b> .....	42
<b>Instituciones y organizaciones entrevistaes</b> .....	46



*Oficina de la ONU en Colombia para los Derechos Humanos.*

## PRESENTACIÓN

### Los ataques nun debiliten la esperanza de paz

La XIXª Delegación Asturiana de Drechos Humanos y Paz percorrió en febreru rexones de la Colombia somorguiada nel conflictu armáu, nes que siguen los ataques escontra la población civil y escontra la dirixencia social, incluyida la indíxena, a pesar del ofrecimientu del gobiernu de Gustavo Petro y Francia Márquez de dialogar, cesar el fueu y acordar los términos que lleven a la “Paz total”.

Aconceyemos con organizaciones sociales, víctimes, autoridaes civiles, policiales y militares, amás de los alcuentros con funcionarios del Ministeriu del Interior, la Unidá Nacional de Restitución de Tierres, la Cancillería Colombiana, la Oficina de la ONX pa los Drechos Humanos y la Embaxada d’España.

La nuesa delegación alcontró na visita a Tumaco, Pasto, Puerto Guzmán, Villagarzón, Pitalito, Yopal, Arauca y Saravena una población organiza’o, que llogró resistir acusaciones, amenaces, prisión inxusta, confinamiento, esllarigamientos, ataques a los centros, desapaiciones forciaes, campos minaos, masacres y asesinatos selectivos.

A pesar del axorizu desatáu nes últimes décadas amplios sectores sociales dixeron de manera masiva: ¡valió de guerra, valió de saquéu y valió de mieu al apa de la democracia y del progresu!

Espresamos almiración pola so valerosa persistencia en defender el drechu a la vida, al territoriu, a la paz y a les llibertaes fundamentales.

Sois un exemplu pal mundiu y una respuesta pa los qu’ateronen en seguir amon-

tonando riqueces usando’l métodu del desaposiu, quemando con más violencies el llar común que ye la Tierra, imponiendo guerres que paguen los pueos.

La nuesa delegación conoz la resistencia de los pueos de Nariño, Putumayo, Huila, Casanare y Arauca, felicita al gobiernu, y de manera especial a los habitantes del páramu del Sumapaz, pola creación reciente de la Zona de Reserva Llabriega tres mediu sieglu de guerra y trenta años d’intentalo col propósitu de protexer la economía llabrador, l’agua, la seguridá y la soberanía alimentaria pa los millones d’habitantes d’una ciudá del tamañu de Bogotá.

La gravedá de los ataques escontra la dirixencia social xenera mieu y provoca’l nuesu refugu, pero nun llogren debilitar les ansies de paz de les multitudés qu’emburrien la tresformación democrática de la sociedá colombiana.

**Rafael Palacios García**

*Diputáu y voceru del Grupu Parllamentariu Podemos na Xunta Xeneral del Principáu d’Asturies.”*



## ESTÁU DE LOS ALCUERDOS DE L'HABANA Y DEL PROCESU DE PAZ COLES FARC

**“Nun mundiu de divisiones xeopolítiques, guerres interminables y multiplicación de conflictos, Colombia manda güei un mensaxe claru: ye hora d'invertir na paz”.** António Guterres, Secretariu Xeneral de la ONX.<sup>1</sup>

La sociedá colombiana pronuncióse masivamente pola paz. L'aluerdu de paz soscritu pol Estáu coles FARC xeneró unes expectatives que defraudaron los gobiernos de Juan Manuel Santos y d'Iván Duque.

Dende agostu del 2022 el gobiernu de Gustavo Petro y Francia Márquez comprometióse a cumplir l'aluerdu como puntu de partida pa la so política de Paz Total.

La violencia nel contestu del conflictu armáu internu recrudecióse nel gobiernu d'Iván Duque (2018-2022), periodu nel que se quixo estrizar los aluerdos de paz simulando'l so cumplimientu.

Antes, el gobiernu de Juan Manuel Santos (2014-2018), que soscribió l'aluerdu, en tando desarmaes les FARC abandonó la obligación de protexer la vida de les persones desmovilizaes, destinar inversión pública y otorga-yos garantías polítiques.

Nengún de los últimos tres gobiernos colombianos (Santos, Duque, Petro) llogró garantizar la vida de los firmantes de la paz, que siguen siendo amenazaos, confinaos, persiguíos, esllarigaos y asesinaos nos espacios destinaos pa que se reintegren a la sociedá.

“La esperanza de paz de millones de persones foi burlada, ensangrentada pol bloque de poder dominante que demonizó l'aluerdu de paz pa seguir cola rentable

estratexa d'acumulación de tierres y de capital por desaposiu. Poro, el gobiernu de Duque nun adoptó'l plan d'aición pa combatir y esmantelar el paramilitarismu, pero intentó ‘entrampar’ a ex-dirixentes de les FARC con montaxes de la Fiscalía y de la DEA p'apresalos con fines d'extradición a los Estaos Xuníos. Polo mesmo nun quixo atender los mandatos de la Corte Constitucional que –en sentencia d'empiezos del 2022– señaló l'ausencia de voluntá política del gobiernu pa protexer la vida de quien firmaron l'aluerdu, nin cumplió les órdenes que-y dio, col mesmu propósitu, la Xurisdicción Especial pa la Paz énte l'asesinatu de 355 firmantes del aluerdu”.<sup>2</sup>

L'abandonu pol últimu gobiernu del aluerdu de paz constátase al destinar el 0'8% del PIB pal so cumplimientu, cuando'l compromisu yera del orde del 10%, reduciendo la paz a la desmovilización guerrillera y a la entrega de les armes.

Con too y con eso, l'aluerdu de paz sigue con prioritá na axenda del nuevu gobiernu y na esperanza de millones de persones que se manifesten pol so cumplimientu y pola solución política y negociada del conflictu armáu internu.

El partíu políticu Comunes considera que col gobiernu de Petro rellanzóse l'aluerdu de paz. “Nós cumplimos. El gobiernu de Duque dedicóse a asonsañar que cumplien. Entrampieron la paz. Hai tamién planes macabros escontra nós, los Comunes, que llevamos 357 asesinaos y SIMÓN TRINIDAD sigue presu nos Estaos Xuníos”.<sup>3</sup>

El partíu políticu Comunes, ñacíu tres la desmovilización de les FARC, denuncia qu'una suma superior a los 600.000.000.000 de pesos que debíen destinase pa proyectos de reinserción a la vida civil robólos o esviólos el gobiernu d'Iván Duque.

1 <https://colombia.unmissions.org/%E2%80%99Cen-un-mundo-de-divisiones-geopol%C3%ADticas-guerras-interminables-y-multiplicaci%C3%B3n-de-Conflictos>

2 Comunicáu “En Colombia retoña la Paz”. Soldepaz Pachakuti, Colectivu de Colombianos Refuxaos n'Asturies. Xixón, setiembre/22.

3 Entrevista col partíu Comunes. Bogotá, 21 de febreru del 2023.



*Congreso de la República. Bogotá.*

Denuncien que 187 presos políticos de les FARC y otros 200 en procesu de reconocimientu siguen nes prisiones, ensin que s'aplicaren les normas sobre amnistía ya indultu contemplaes nel alcuertu de paz.

Reclamen la repatriación de JUVENAL PALMERA PINEDA o Simón Trinidad, presu fai cerca de venti años nos Estaos Xuníos por delitos políticos cometíos en Colombia nel marcu del conflictu armáu internu, polo que

debiera xulgáselu en Colombia y aplicáse-y lo dispuesto nel alcuertu de paz: «A la cesación de los enfrentamientos, les autoridaes nel poder procurarán conceder l'amnistía más amplia posible a les persones que tomaren parte nel conflictu armáu o que s'alcuentren privaes de llibertá, internaes o deteníes por motivos relacionaos col conflictu armáu... Otramiente, l'artículo 7º de la Llei d'Amnistía ya Indultu diz: «sedrá un mecanismu d'estinción de l'aición penal, disciplinaria, alministrativa y fiscal, que tien como finalidá otorgar seguridá xurídica a los integrantes de les FARC-EP o a persones acusaes de selo, tres la firma del Alcuertu Final de Paz col Gobiernu nacional y la finalización de los enfrentamientos».

## LA XUSTICIA ESPECIAL PA LA PAZ, XEP

La Xurisdicción Especial pa la Paz avanza nel conociemientu de la verdá nos casos de secuestros y d'execuciones estraxudiciales, y abrió otru macrocasu sobre violencia sexual nel contestu del conflictu armáu internu.

Constitúi un avance na llucha escontra la impunidá y una aportación al drechu de les víctimes el que militares y ex-combatientes de les FARC tean compareciendo delante la XEP pa dar la so versión referente a casos de miles de secuestros y miles d'asesinatos y desapaiciones forciaes presentaes como “baxes en combate” por axentes del Estáu.

“Dempués de que 22 integrantes de la fuercia pública y un civil, en dos audiencies públiques, reconocieren delante la XEP responsabilidá polos asesinatos y desapaiciones forciaes presentaes como baxes en combate por axentes del Estáu, la Sala de Reconocimientu de Verdá emitió les primeres resoluciones de conclusiones. Les decisiones xudiciales emitiéronse dientro de los subcasos Norte de Santander y Costa Caribe, nos que los imputaos por ‘falsos positivos’ fueron postulaos pa que'l Tribunal

pa la Paz-yos imponga sanciones propies. La primer resolución de conclusiones qu'emitió la XEP enmárcase nel subcasu Norte de Santander, nel que la Sección de Primer Instancia pa Casos de Reconocimientu de Verdá yá anunció qu'assume la competencia. Con ello, confírmase que sedrá esta instancia la que decidirá sobre les sanciones que se-yos impondrán a los comparecientes que participaron na audiencia que se llevó a cabu n'Ocaña'l 21 y 22 d'abril de 2022. L'otru autu emitióse'l pasáu 9 d'avientu, y conocióse tres l'audiencia que se llevó a cabu en Valledupar el 18 y 19 de xunetu. N'entrambos casos, delante la xusticia, les víctimes y el país, los comparecientes refiriéronse a los crímenes nos que participaron y detallaron cómo contribuyeron de manera amplia y efectiva na execución de les conductes”.<sup>4</sup>

## UNIDÁ DE BUSCA DE PERSONES DAES POR DESAPAEÍCIES

En rellación cola Convención Internacional pa la Protección de toles Persones escontra les Desapaiciones Forciaes, constitúi un avance'l que el nuevu gobiernu colombianu aceptare – n'agostu del 2022– la competencia del Comité de les Naciones Xuníes escontra la Desapaición Forciada, lo que va fortalecer la busca de les persones desapaecies y la persecución d'esti crime escontra la humanidá.

La Comisión de Busca de Persones daes por Desapaecies avanza na xera con más de 34.200 casos en cursu.

P'avanzar necesítase que les instituciones nacionales y territoriales coordinen el fluxu d'información y les aiciones de busca, sobre too nos territorios nos que'l conflictu armáu sigue, como asocede nos territorios del Pacíficu y nos fronterizos con Venezuela.

<sup>4</sup> <https://www.jep.gov.co/macrocasos/caso03.html#container>



*Asentamiento Mi Nueva Esperanza. Nunchía/Casanare.*

## COMISIÓN PAL ESCLARAMIENTU DE LA VERDÁ

La Comisión pa la Verdá espublizó'l so informe final en xunu del 2022<sup>5</sup> col propósiu de que la sociedad sepa qué asocedió nel conflictu armáu internu y evite que se repita.

Creóse un Comité de Seguimientu y Monitoréu per siete años pa verificar el desarrollu de les recomendaciones de la comisión.

L'Informe constitúi un esfuerciu por esclariar les motivaciones y les responsabilidaes estraxudiciales de los intervinientes nel conflictu armáu, y tamién les consecuencias pa les víctimes y pa les instituciones cola fin de construir un rellatu colectivu qu'ayude a sanar a la sociedad y qu'evite la repetición.

L'informe consta de diez volúmenes que se refieren a los afayos, conclusiones y encamientos, de los que una comisión va observar el desarrollu nos próximos siete años. Los demás volúmenes refiérense al rellatu hestóricu de la guerra, a los ataques a los drechos humanos y los sos responsables, contenío nel volume “Hasta la guerra tien límites”; la guerra nes rexones y escontra'l campesináu, recoyida nel volume “Colombia adientro”; el volume “Sufrir la guerra”, que trata sobre los impautos nes víctimes, ex-combatientes, comunidaes y la naturaleza; el volume de testimonios “Cuando los páxaros nun cantaben”; un volume étnicu, qu'aporta a la verdá de los pueos indíxenes, afrodescendientes, negros, raizales, palenqueros y rom; el volume “El mio cuerpu ye la mio verdá” sobre l'impautu nes muyeres y nes persones LGTBIQ+; el volume “Nun ye un mal menor”, sobre impautos na infancia y na adolescencia; y el volume “Colombia fuera de Colombia”, sobre más

5 <https://comisiondelaverdad.co/>

d'un millón de persones exiliaes pola guerra, ente elles les que pasaron pel refuxu del Programa Asturianu d'Atención a Víctimes de la Violencia en Colombia, qu'apurrió a la comisión los archivos de venti años d'exiliu.

L'Informe de la Comisión de la Verdá complementábase col trabayu de la Xurisdicción Especial pa la Paz, que ta xulgando les responsabilidaes penales nos delitos graves cometíos dientro del conflictu armáu internu.

## REFORMA RURAL INTEGRAL

La solución del problema agrariu ye crucial pa la paz.

El gobiernu espresó interés na compra de tierres de los empresarios ganaderos pa da-y al campesináu, y avanza na titulación de terrenos ermos ocupaos por families llabradores que los vien esplotando dende hai décadas.

La política antidrogues prioriza la sustitución voluntaria de los cultivos d'usu ilícitu —con un área que vieno aumentando— sobre los desañicios forciaos y sobre los riegos aéreos. Oriéntase a persiguir el tráficu más qu'al campesináu, lo que protexería los sos drechos.

El gobiernu nacional, per aciu d'un Proyeutu d'Actu Llexislativu que reforma la Constitución Política, propunxo al Congresu de la República la creación d'una Xurisdicción Especial Agraria p'abordar los conflictos por tierres, iniciativa empobinada a cumplir l'aluerdu de paz y a resolver una de les mayores fontes de confrontación.

## RESTITUCIÓN DE TIERRAS

Les víctimes del conflictu reclamen más de 64.000.000 de díes de gües (8.000.000 d'hectárees) de tierra de les que les desaposiaron con violencia ente'l 1994 y el 2004.

“La Unidá de Restitución de Tierres lleva once años operando y nunca nun usó la facultá d'actuar d'oficiu énte el desaposiu territorial. Tenemos nueve años pa restituyir cerca de 84.000.000 de díes de gües (14.000.000



d'hectárees); va depender de la capacidá de la UNRT, de l'asignación económica y del compromisu del Congresu y de la fuercia pública, porque ye necesariu'l conceptu de los militares sobre seguridá pa los retornaos. Nestos últimos años na URT ñegábase'l 70% de les solicitúes, de les qu'hai unes 17.000, y hai unes 4.000 solicitúes de víctimes dende l'esterior a les que nun se notificaba y aplicáron-yos el desestimientu tácitu de la petición”.<sup>6</sup>

En diez años restituyéronse 4.560.000 díes de gües (570.000 hectárees). Los enzancos fueron la falta de vo-

6 Entrevista cola URT. Bogotá, 21 de febreru del 2023.





*Sede FENSUAGRO-CUT. Bogotá.*

luntá de los gobiernos anteriores, les torgues burocrátiques impuestos pol Equipu d'Asuntos Ambientales, Minero-energéticos ya Infraestructura de la Unidá y la falta de seguridad pa los reclamantes.

La Unidá de Restitución informa que 7.791 sentencias de restitución beneficiaron a 85.588 persones, pero hai pocos avances na restitución de los territorios étnicos desapoli-naos: de 822 solicitúes sobre territorios de pue los indíxenes y comunidaes negres, namás 235 avancen cola xusticia.

## CAPÍTULO ÉTNICO Y DE XÉNERU

Hai mínimos avances nel capítulu étnicu y de xéneru conteníu nel alcuertu de paz.


Nel Sestu Informe sobre'l Cumplimientu del Alcuertu de Paz l'Institutu Kroc d'Estudios Internacionales de Paz

de la Universidá de Notre Dame<sup>7</sup> señala como esperanza-dor que l'alcuertu tea desarrollándose cinco años dempués de firmáu y recomienda ampliar la titulación de tierres al campesináu y garantizar la seguridad nos territorios.

Según esti informe l'alcuertu de paz tien el 37% de les disposiciones n'avances mínimos y namás se cumplieron dafechu'l 13% de les 80 disposiciones.

La XIX Delegación Asturiana coincide cola Oficina de la ONX pa los Derechos Humanos al señalar retrocesos graves nos derechos de los pue los indíxenes y de les comunidaes negres, afectaos nel drechu a la vida, a la movili-dá, al territoriu y al gobiernu propiu, nos departamentos d'Arauca, Cauca, Chocó, Córdoba, Huila, Nariño, Norte de Santander, Putumayo y Valle del Cauca.

7 <https://curate.nd.edu/show/z029p270x6d>



L'enfoque de xéneru nel cumplimentu del alcuertu de paz ta contempláu nos Planes de Desarrollu Territorial y nes midíes decidíes pa promover la participación de les muyeres n'espacios políticos de representación popular.

## SITUACIÓN COL ELN

Ye un avance l'allanzamientu de los diálogos pa la paz col ELN en Caraquez n'ochobre del 2022 y en Méxicu en marzu del 2023.

Pero la confrontación col ELN escaló a empiezos del 2023 col ataque de la guerrilla a una base militar en Saravena –el 14 de marzu–, y l'ataque a un grupu de militares nel Catatumbo, que dexó nueve militares muertos el 29 de marzu del 2023.<sup>8</sup>

El 10 de marzu del 2023 les delegaciones en representación del gobiernu y del ELN firmaron el documentu “Alcuertu de Méxicu. Nueva axenda de diálogos pa la paz ente'l gobiernu de la república de Colombia y l'Exércitu de Lliberación Nacional”.

8 <https://elpais.com/america-colombia/2023-03-29/un-ataque-con-explosivos-a-una-base-del-ejercito-en-el-catatambo-deja-al-menos-nueve-militares-muertos-y-ocho-heridos.html>



L'alcuerdu de Méxicu robla la voluntá de les partes pa buscar una solución política que ponga fin al conflictu armáu internu a partir d'una visión común de la paz, cola participación democrática de tolos sectores de la sociedá, con una alianza social y política que-y dea base a un alcuertu nacional poles tresformaciones sociales nel que se reconozca a les víctimes, los sos sufrimientos y drechos, y nel que se construyan garantías pa la seguridá y l'exerciciu de la política por parte del ELN, el desañiciu del paramilitarismu y aiciones humanitaries, con un cese billateral del fueu y de los enfrentamientos y un plan d'execución de los alcuerdos pa desenvolver lo pautao a la final del procesu de diálogu.

Na Mesa de Diálogu, amás de les delegaciones del gobiernu y del ELN, van tar los países garantes: Brasil, Cuba, Chile, Méxicu, Noruega y Venezuela, y como acompañantes la Conferencia Episcopal Colombiana y el Representante Especial designáu pol Secretariu Xeneral de la ONX.

Alcordóse crear un Grupu de Países d'Acompañamientu, Apoyu y Cooperación, nel que van tar Alemaña, España, Suecia y Suiza.

Les partes acordaron nun usar la fuercia armada pa emburriar desarrollos na Mesa de Diálogos, y nun usar el procesu de paz pal fortalecimientu militar.

La prioridá pal movimientu social ye llograr que les partes alcuerden un cese billateral del fueu y de los enfrentamientos en tol país.

## LOS DRECHOS HUMANOS NEL 2022

Una de cada dos personas defensores de los derechos humanos asesinadas en el mundo en 2022 fueron colombianas. Las cifras cuadruplican las agresiones registradas en Ucrania, con cincuenta casos. <https://www.europapress.es/internacional/noticia-colombia-concentra-casi-mitad-activistas-ddhh-asesinados-todo-mundo-2022-20230410202441.html>

Nos dos últimos años la violencia asociada al conflicto armado interno de Colombia agravóse y nun ameyoró col cambéu de gobiernu n'agostu del 2022.

Una de cada dos personas defensores de los derechos humanos asesinadas en el mundo en 2022 fueron colombianas. Las cifras cuadruplican las agresiones registradas en Ucrania, con cincuenta casos.

L'Informe de Front Line Defenders precisa que nel 2022 asesinaron a 401 personas defensores de los derechos humanos en 26 países, munches d'elles involucradas na defensa de la tierra y del mediu ambiente.<sup>9</sup>

Llatinoamérica ye la rexón col mayor númeru d'ataques, encabezada por Colombia (189), seguida de México (45),



Brasil (26) y Honduras (17). De les 189 personas asesinadas en Colombia nel 2022, 88 yeren dirixentes ambientales.<sup>10</sup>

9 [https://www.frontlinedefenders.org/sites/default/files/1535\\_fld\\_ga23\\_web.pdf](https://www.frontlinedefenders.org/sites/default/files/1535_fld_ga23_web.pdf)

10 <https://rutasdelconflicto.com/notas/2022-cuatro-paises-latinoamerica-concentraron-el-mayor-numero-ataques-defensores-informe>

“Nel gobiernu nun zarramos los güeyos delante la realidá. Hai resistencies al cambéu en dalgunes autoridaes y en sectores de la fuercia pública. Hai torgues institucionales y ta trabayándose col presupuestu del gobiernu anterior, esto ye: coles manes ataes”.<sup>11</sup>

L'añu 2022 foi añu electoral. En marzu escoyóse'l Congresu de la República y en xunu ganó les elecciones presidenciales la coalición del Pautu Hestóricu, encabezada por GUSTAVO PETRO y FRANCIA MÁRQUEZ (2022-2026).

A lo llargo de 19 años la Delegación Asturiana de Drechos Humanos y Paz pudo constatar el fracasu de la política de seguridá basada nel usu de la fuercia armada y na doctrina del enemigu internu. El militarismu y el paramilitarismu nun llograron acabar col conflictu armáu internu y xeneraron una escalada de la violencia que se reflexa nes cifres d'ataques graves a los drechos humanos y al DIH, en munchos casos con responsabilidá d'axentes del Estáu.

El nuevu gobiernu cambió l'enfoque y fala de “seguridá humana”. Espresa voluntá pa reconocer y aplicar los mecanismos internacionales de drechos humanos y pa protexer a les comunidaes nos sos territorios, oxetivos que requieren del cambéu na doctrina del enemigu internu que vieno guiando a la fuercia pública, y d'aiciones efectives qu'esmantelen el paramilitarismu y les sos redes económiques y polítiques.

El Congresu y el gobiernu colombianu aprobaron l'Alcuerdu d'Escazú o Alcuerdu Rexonal sobre l'Accesu a la Información, la Participación Pública y l'Accesu a la Xusticia n'Asuntos Ambientales n'América Llatina y el Caribe,

11 Reunión cola Oficina de Drechos Humanos del Ministeriu del Interior.



que contempla la protección del mediu ambiente y de les persones que lu defenden.

Colombia sigue siendo'l país del mundiu nel que más s'asesina ambientalistas previamente señalaos como responsables del atrasu nacional al oponese al desarrollu y al progresu prometíos poles empreses multinacionales, beneficiaries directes de la guerra y del extractivismu.

Tamién impulsó un proyectu d'Actu Llexislativu que se tramita nel Congresu de la República, reconociendo al campesináu como suxetu políticu de drechos de protección especial, dempués de lo cual va poder incorporase a la Constitución Política'l testu de la Declaración de la ONX sobre los Drechos de los Llabradores y d'Otres Persones que trabayen en Zones Rurales.

Al reconocer el drechu humanu a la paz el nuevu gobiernu comprometióse a cumplir l'alcuerdu firmáu coles FARC, destinando recursos pa la so execución nel Plan Nacional de Desarrollu y llanzando la “Política de Paz To-



tal”, que pretende dialogar y pautar la paz cola guerrilla del ELN y coles disidencias de les FARC, y someter a la xusticia a los grupos paramilitares.

El 31 d’avientu del 2022 el gobiernu, per mediación del Decretu 2657 de 31 d’avientu del 2022, ordenó –a partir del 1<sup>o</sup> de xineru y hasta’l 30 de xunu del 2023– un cese’l fueu billateral con cinco organizaciones: les guerrilles ELN, la Segunda Marquetalia, l’Estáu Mayor Central, y colos grupos narco-paramilitares Autodefensas Gaitanistes de Colombia, AGC, y les Autodefensas de la Sierra Nevada.

Pero l’ELN esixó acordar billateralmente los términos del cese’l fueu, polo que’l gobiernu decidió suspender los efectos xurídicos del decretu pa esti grupu y caltener los diálogos sobre cese’l fueu nel siguiente ciclu de negociación que siguió en ciudá de México nos entamos del 2023.

Al respetive’l ministru del Interior espresó: “Invitamos a esta organización a declarar una tregua y caltener el

cese y la non violencia, el gobiernu nun va arrenunciar a la busca del respetu pola vida pa construyir la paz total”.<sup>12</sup>

El 20 de marzu tamién se suspendió’l cese’l fueu col Clan del Golfu tres entamar paros armaos pa defender la minería illegal. “Ordené a la fuercia pública reactivar toles operaciones militares escontra’l Clan del Golfu. Suspéndese’l cese billateral con esti grupu al marxe de la llei”. “Nun vamos permitir que sigan semando esmolición y mieu nes comunidaes”.<sup>13</sup>

El conflictu social xeneráu pola inequidá y l’abandonu por parte del Estáu sigue ensin solución.

Les protestes sociales del 2021 y 2022 reprimiéronse con dureza.

12 <https://elpais.com/america-colombia/2023-01-04/el-gobierno-de-colombia-suspende-el-decreto-del-cese-al-fuego-con-el-eln-pero-insiste-en-acordar-una-tregua.html>

13 <https://efe.com/mundo/2023-03-20/petro-suspende-el-cese-bilateral-con-el-clan-del-golfo-tras-el-paro-minero/>



Usóse a la fiscalía pa paralizar la protesta social per aciú de la xudicialización – criminalización. Nos primeros meses del 2022 polo menos a 110 persones priváronles de la llibertá, ente elles 58 acusaes pola fiscalía de delitos como concierto pa delinquir, terrorismu, tortura, secuestro, intentu d’homicidiu; delitos graves formulaos pa disuadir sobre too a la población mozo de salir a protestar.

“L’usu d’acusaciones tan arrechos pa persiguir conductes violentes durante les protestes supón una amenaza grave pa la promoción y protección de los drechos humanos y les libertaes fundamentales y pa la llexitimidá de los marcos

y lleis internacionales escontra’l terrorismu”, afirmaron los espertos. “Tien un efectu amedranador y fomenta les campañes de descreitu escontra los movimientos de protesta nel país”.<sup>14</sup>

El nuevu gobiernu ta abriendo canales institucionales de diálogu y reconoció la llexitimidá de la movilización social en defensa de los drechos humanos.

Dio órdenes a la fuercia pública de nun disparar sobre les persones movilizaes ente les evidencies d’un usu escesivu y desproporcionáu de la fuercia por parte de la Policía Nacional, sobre manera del Escuadrón Móvil Antialbortos (ESMAD).

“Amnistía Internacional documentó, nesos anteriores informes, casos d’ataques por parte de civiles armaos a persones manifestantes, usu d’armes mortales por parte d’axentes estatales y traumes oculares. Estos fechos constitúin vulneraciones de los drechos a la integridá física, a la prohibición de tortura y a la llibertá de reunión pacífica, ente otros. Denuncióse l’usu escesivu y desproporcionáu de la fuercia por parte de la Policía Nacional, sobre manera del Escuadrón Móvil Antidisturbios (ESMAD), como manera de reprimir violentamente la decisión de protestar, produciendo daños físicos y psicosociales a miles de manifestantes”.<sup>15</sup>

Los dos últimos años fueron los peores en materia de drechos humanos dende la firma del alcuertu de paz coles FARC nel 2016, por causa les aiciones de los grupos armaos non estatales (guerrilles) y de les organizaciones criminales (grupos paramilitares, bandes, etc.) que coparon los territorios que controlaben les FARC.

L’Estáu incumple la so responsabilidá como garante de los drechos humanos fundamentales.

Hai denuncies sobre’l caltenimientu de la complicitá d’axentes de la fuercia pública con grupos armaos en tol país.

14 <https://www.ohchr.org/es/press-releases/2023/03/colombia-misuse-counter-terrorism-measures-prosecute-protesters-threatens>

15 <https://www.amnesty.org/es/documents/amr23/6234/2022/es/>



La violencia sigue usándose pa xenerar mieu y someter a les comunidaes que son confinaes, amenazaes, esllarigaes, desapolinaes de los sos territorios.

Siguieron les masacres, les desapaiciones forciaes de persones, los actos de violencia sexual, l'allistamientu de menores.

El gobiernu colombianu llexitimó la defensa de los drechos humanos y la protesta social, pero nun ye quien a garantizar el drechu a la vida, nin otros drechos fundamentales recoyíos na Constitución Política, sobre manera nes rexones baxo conflictu armáu internu, nes que los poderes fácticos imponen les sos propies normes, creando un “para-Estáu” o “Estáu paralelu”.

## REXONES VISITAES

### NARIÑO

Ye ún de los departamentos con mayores niveles de violencia asociada al conflictu armáu internu, qu’afecta sobre too a los puelos indíxenes, a les comunidaes afrodescendientes, al campesináu y a los firmantes de la paz.

Los puelos indíxenes awá y eperara-siapidara denuncien qu’ente'l 60 y el 70% del so territoriu ta semáu de mines antipersona, lo qu’enzanca la so movilidad p’abastecese y agrávase col confinamientu qu’imponen los grupos armaos. Polo menos 26 persones resultaron mancaes pola esplosión de mines antipersona nos caminos, les cases y nos

alredores de les escuelas del puelu awá. Reclamen desmináu humanitariu urxente.

Pa la UNIPA, Unidá Indíxena del Puelu Awá: “Los actores armaos siguen operando coles sos lóxicos de muerte y axorizu, ensin control dalu. Xeneren esllarigamientos forciaos, intimidaciones, amenaces, confinamientos, instalación de mines antipersona, control de los caminos y homicidios”.<sup>16</sup>

El 3 de xunetu del 2022 asesinaron nuna reunión de drechos humanos al gobernador del resguardu Inda Sabaleta del puelu indíxena awá JUAN MOREANO y dos guardies indíxenes.<sup>17</sup>

L'Asociación de Cabildros Indíxenes Eperara - Siapi-dara de Nariño, ACIESNA, denuncia la continuidá de la violencia nos sos territorios, a pesar del cese'l fueu decretáu pol gobiernu.

Les víctimes del Pacíficu reclamen apoyu pa la busca de los sos desaparecíos.


Les comunidaes de la Costa del Pacíficu reclamen tar presentes nes meses de paz, denuncien el sufrimientu específicu de les muyeres (asesinaes, abusaes, desaposiaes, desaparecíos), y denuncien los esllarigamientos forciaos recientes en Playón, Magüí, La Tola, Altu Mira y Frontera.

Les comunidaes del Altu Mira y Frontera informen del afayu d'una fuexa común na collación Casas Viejas y denuncien que lleven más d'un añu de confinamientu y pagando estorsiones a los grupos armaos pa poder abastece.

Dos díes antes de la llegada de la delegación asturiana, el domingu 12 de marzu del 2023, secuestraron y asesinaron a JULIO PALACIOS nuna área controlada pol Exércitu Nacional, que nun actúa “porque los autores escuenden les armes”. Los militares tampoco actúen cuando

16 Entrevista con autoridaes del puelu awá. Tumaco, 13 de febreru del 2023.

17 <https://www.servindi.org/actualidad-noticias/04/07/2022/asesin-gobernador-y-dos-guardias-indigenas-del-pueblo-awa>



los grupos armaos imponen les autoridaes que llevarán la representación comunitaria.

Les comunidaes denuncien la impunidad qu'arrodiada a los autores de la masacre d'El Tandil, cometida por componentes del, qu'ametrallaron a les comunidaes movilizaes escontra'l desañiciu forciáu de coca'l 5 d'ochobre del 2017.

El 11 de febreru del 2023 en Mallama asesinaron al dirixente indíxena MARCOS LÓPEZ, representante lleagal del movimientu Autoridaes Indíxenes de Colombia, AICO.

Les alertes tempranes nun se tienen en cuenta y los esllarigamientos forciaos y masivos repítense cada añu. Les comunidaes denuncien que'l conceyu de Tumaco nun tien



instalaciones p'agospiar a les persones esllarigaes, nin hai interés del alcalde pa faelo.

Les denuncijs señalen que na rexón de Tumaco y otres de la Costa del Pacíficu son cotidianes les agresiones escontra les muyeres de la rexón y escontra les muyeres de nacionalidá venezolana a les que someten a explotación llaboral y sexual nel entornu de les plantaciones de coca dirixíes por “colonos”, que de día faense llamar llabradores y de nueche militaríen nes guerrilles.

El Colectivu Orlando Fals Borda, que trabaya na zona de Tumaco na busca de persones daes por desaparecíes, llogró entregar de manera digna 191 cuerpos. Otros 757 cuerpos alcontráronse en zones de Pasto-Tumaco-Ipiales, de los que pudieron entregar 85.

La Mucedá Comunista Colombiana, JUCO, denunció la prisión de los xóvenes dirixentes sociales ANDRÉS DUQUE y BREMEN HINESTROZA, integrantes del colectivu “Los Ensin Techu - Texú Popular”, acusaos d'atacar a la fuerza pública nel marcu de movilizaciones populares. Estes persones taben propuestes pa ser “voceros de paz” d'entro de la política de paz total.

El 5 de payares del 2022 el grupu narco-paramilitar Autodefenses Gaitanistes de Colombia, AGC, secuestró al defensor de los drechos humanos WILLIAM LEONARDO CASTRO MUÑOZ, fundador y representante llegal de l'Asociación de Víctimes Vida, Dignidá y Futu-



ru, ASVIDIF, y promotor comunitariu de paz certificáu pol Ministeriu del Interior, integrante de la Plataforma d'Organizaciones Sociales, de Víctimes y Defensa de los Drechos Humanos de Nariño y del Equipu Motor de la Mesa Territorial de Garantías de Nariño.<sup>18</sup> Trés meses antes del secuestro la Unidá Nacional de Protección, UNP, quitó-y el sistema de protección.

18 <https://www.arcoiris.com.co/wp-content/uploads/2023/02/DE-NUNCIA-PUBLICA-16-02-2023-William-Castro.pdf>

En Nariño van 59 firmantes de paz asesinos y 97 esllarigaos de manera forciada por amenazas de muerte.

Los firmantes del alcuertu de paz tán abandonando los Espacios Territoriales de Capacitación y Reincorporación, ETCR, de Nariño por falta de condiciones, ausencia d'apoyos pa la reinserción y falta de garantías pa preservar la vida.

## PUTUMAYO

El Putumayo ye un departamentu fronterizu con Ecuador y Perú. Ye una rexón abandonada pol Estáu, inmersa nel conflictu armáu nel qu'intervienen guerrilles, paramilitares y fuerca pública, y na que'l 42% de la población pue consideráselo víctima según les autoridaes.

Polo menos 10.000 víctimes del Putumayo nun recibieron reparación.

Los enfrentamientos de los últimos cuatro años ente'l grupu armáu Comandos de Frontera y el grupu armáu Carolina Ramírez del Estáu Mayor Central xenera perjuicios graves a la población civil, que tien mieu de falar de lo que pasa na so rexón.

A finales de payares del 2022, nuna confrontación ente'l Frente Carolina Ramírez y los Comandos de Frontera, produxéronse ente 28 y 40 muertos. Sacaron a decenes de families del correximientu José María. La comunidá movió los cuerpos nun volquete pa facer recuentu dada la ausencia de les instituciones.

Medren les amenazas de muerte escontra la dirixencia social. La Rede de Drechos Humanos del Putumayo, Piamonte (Cauca) y Cofanía Jardines de Sucumbíos (Ipiates, Nariño) denunció'l 27 de marzu del 2023: "Les/os defensores de drechos humanos siguimos siendo víctimes de fuertes acusaciones, más entá cuando vienen del aparatu



represor, al que namás-y importa la inestabilidad social, les perres y el poder nel interior de los territorios".<sup>19</sup>

Les organizaciones sociales señalen a los Comandos de Frontera como los responsables de la mayoría d'ataques escontra la dirixencia social y firmantes del alcuertu de paz: masacres, esllarigamientu forciáu y asesinatos de población civil. Sedríen los responsables de les amenazas de muerte escontra la dirixencia de la Zona de Reserva Llabriega, La Rede de DD. HH. del Putumayo, la Mesa Rexonal d'Organizaciones Sociales, y del asesinatu de dirixentes sociales como MARCO RIVADENEIRA, YORDAN TOVAR, EDGAR HERNÁNDEZ, JOSÉ EDISION VARGAS, DIEGO JAIR ORBES, la cabezalera del puelu indíxena kamentsa MARÍA BERNARDA JUAJIBIOY y los dirixentes afros del Conceyu Comunitariu Lliberación y Futuru FAUSTINO y JONÁS CARABALÍ, ente otros.<sup>20</sup>

El profesoráu del Putumayo denunció 52 amenazas de muerte nel primer trimestre del 2023 y l'esllarigamientu forciáu de maestros/es causando un dañu enorme a la infancia y a la mocedá del Putumayo, que ve tovía más ame-

19 <https://www.facebook.com/Rede DD. HH. Putumayo/>

20 <https://www.facebook.com/photo?fbid=235032875570256&set=pcb.235032918903585>

norgaes les sos posibilidaes d'acceder a educación básica.

Nun hai condiciones materiales pa la reinserción de quien firmaron la paz, nin hai garantías pa les sos vides, polo qu'opten por marchar del espaciu territorial destináu a la so reincorporación.

La empresa minera canadiense Libero Cobre recibió autorización pa esplotar la zona del Altu Mocoa, a pesar del refugu de les comunidaes por afarar el mediu ambiente y poner en peligrosu l'abastecimientu d'agua a zones poblaes. La construcción de la vía Mocoa – San Francisco, una infraestructura al serviciu de les empreses mineres, ta xenerando esbarrumbes y llenes.

Alredor de la minería, de la coca y de les petroleres hai focos d'esplotación sexual de muyeres. Los grupos armaos executen aiciones de "limpieza social" nes qu'ataquen a la población civil, a les muyeres y al colectivu LGTBI+.

Nes protestes del estallíu social del 2021 nel conceyu de Villagarzón la fuercia pública asesinó al estudiante del puelu indíxena nasa JORDANY ROSERO, cerca del pozu Costayaco 10 de la petrolera canadiense Gran Tierra Energy.

A PABLO PANDURO COQUINCHE, gobernador del puelu kichwa del resguardu indíxena Bajo Remanso del conceyu de Puerto Leguizamó, asesinaronlu'l 28 de marzu del 2022 tropes del exércitu nuna masacre que quixeron presentar como un operativu escontra les disidencies de les FARC.

El 25 d'abril asesinaron na collación José María, del conceyu de Puerto Guzmán, al firmante de paz JUAN JOSÉ CHILITO MARTÍNEZ.

Nel 2022 espulsaron con violencia a lo menos a 2.600 persones del Putumayo. L'ACNXR informó del tránsitu



migratoriu abondosu, ente elles 12.000 persones venezolanos.

Hai abandonu de les víctimes d'espulsiones masives y vacíos na protección de la infancia, yá que nun hai oficines del Institutu Colombianu d'Acomodu Familiar, ICBF.

Árees que diben ser reserva llabriegu fueron desapolinadas con violencia. El 80% de los cultivos de coca de la rexón nun son de los llabradores, sinón de los grupos armaos, que tamién tienen la minería ilegal.

La coordinación del puelu awá nel Putumayo denuncia la repercusión en 46 comunidaes, resguardos y cabildros por causa los grupos armaos qu'allisten xóvenes, presionen pa que se seme coca, imponen la minería ilegal y desaposien de l'autoridá a los gobernadores indíxenes. Estes denuncies ampliáronse na reunión de la Coordinadora Nacional de Cultivadores de Coca, Amapola y Marigüana, COCCAM, que defende la sustitución de los cultivos d'usu ilícitu.

La consejería de "El suañu del puelu nasa del Putumayo" y los sos 38 cabildros denuncien les llaceries pol conflictu: confinamientos, aumentu de los cultivos d'usu ilícitu y el dañu ambiental de les petroleres, que tán baltando árboles indiscriminadamente, xeneren grupos armaos nuevos y desestabilicen los territorios con amenaces, masacres y esllarigamientos.

Habitantes de la collación Medio Afán denunciaron que lleven 18 años de protestes y movilizaciones polos efectos del “basureru a cielu abiertu”, con residuu de los Conceyos y de les petroleres, con padecimientos sanitarios y ambientales graves pa tola cuenca del ríu Mocoa.

Una delegación del CRIC del Cauca, presente nel resguardu Aguadita, denunció l'aumentu del 200% del área semada con cultivos d'usu ilícitu; l'asesinatu de 15 kiwe thegnas o guardies indíxenes, la desapaición forciada d'un comuneru, los incumplimientos del cese'l fueu y la presencia creciente de grupos armaos nos núcleos urbanos, nos qu'amenacen, estorsionen, acosen, allisten y asesinen.

## PITALITO (HUILA)

La ciudá de Pitalito alberga 33.300 víctimes d'esllarigamientu forciáu de les 214.000 rexistraes nel departamentu del Huila.

El cabezaleru social y ex-alcalde de Timaná PEDRO NEL JIMÉNEZ STERLING foi víctima d'un nuevu aten-

táu nel que, amás, quemaron la vivienda de la so finca na zona rural de la villa de La Gaitana, el 27 de xunetu del 2022. Estos atentaos tán rellacionaos cola so oposición a proyectos mineros nel sur del Huila.

La inseguridá nes cais de la ciudá de Pitalito orixínase na esclusión y nel microtráficu.

Los habitantes tomaron la xusticia pola propia mano y mataron a siete lladrones. Estes aiciones de violencia urbana son el xerme de grupos armaos nuevos, afirma un ex-conceyal que tevo que se refuxar n'Italia “por tener sío delegáu de Pitalito nes conversaciones del Caguán. Regresé, pero la familia non”.

Dende la Mesa de Víctimes afirmase que nun hai midies de protecció, y que munches víctimes acuden ensin declaración previa de la so situación delante la Personería, polo que nun puen faer nada.

Les víctimes del esllarigamientu forciáu desarrollen enfermedaes derivaes de la marxinalidá y del estrés y nun tienen ayudes del Estáu frente al cáncer, lupus, Parkinson, epilepsia, etc.



*Audiencia en Pitalito/Huila.*



## CASANARE

El departamentu de Casanare foi zona de conflictu social pola inequidá que xenera la ganadería estensiva y los monocultivos d'arroz y palma aceitero. Y ye rexón de conflictu internu agraváu nos últimos cuarenta años pola llegada de les multinacionales del petroleu que cunten con batallones del Exércitu Nacional al so serviciu y fueron acusaes de financiar el paramilitarismu.

Los efectos de la industria petrolera nes comunidaes y nos trabayadores caltiénense.

Según la Comisión de Drechos Humanos de la Unión Sindical de los Obreros del Petroleu: “La explotación petrolera nel Casanare tevo acompañada de falcatrúes, violencia y negación de drechos fundamentales. Nesti contestu realicen el trabayu empreses como BP, ECOPETROL y OCENSA. La Unión Sindical Obrera nunca pudo tener presencia directa por causa les amenaces paramilitares y les acusaciones de los militares”.<sup>21</sup>

21 [https://www.biodiversidadla.org/Noticias/Colombia\\_paramilitarismo\\_y\\_empresas\\_petroleras\\_en\\_el\\_Casanare](https://www.biodiversidadla.org/Noticias/Colombia_paramilitarismo_y_empresas_petroleras_en_el_Casanare)



*Audiencia en el asentamiento Mi Nueva Esperanza. Nunchía/Casanare.*

La presencia creciente de los grupos paramilitares na rexón reconocióla EFRAÍN GARCÍA HERNÁNDEZ, comandante de la Policía Nacional del Casanare. “Presta que corroboren la información que reciben. Nel Casanare hai presencia de varies organizaciones armaes y tócamos enfrentar situaciones difíciles. L’ELN, disidencies de les FARC y paramilitares en Salinas y Sácama, cerca d’Arauca, y el Clan del Golfu - AGC lligaos al narcotráficu en Villanueva, Maní, Tauramena, Monterrey, nel sur del departamentu”.<sup>22</sup>

Les aiciones paramilitares y los enfrentamientos ente grupos armaos xeneren esmolición nes comunidaes y ponen en peligru a la dirixencia social que sobrevivió a les persecuciones.

22 Reunión col departamentu de Policía del Casanare. Yopal, 15 de febreru del 2023.

Preocupen les acusaciones escontra los asentamientos humanos de les ciudaes de Yopal y de Nunchía, que tachen de ser “guerrilleres” a les organizaciones sociales, a los procesos sociales y a les muyeres que se fixeron cargu d’autoxestionar una vivienda pa les families, dau l’abandonu del Estáu. La Fiscalía 28 de Yopal nun toma en serio les acusaciones alegando que son “problemes de convivencia”.<sup>23</sup>

## ARAUCA

El departamentu d’Arauca, frontera con Venezuela, ye una de les rexones del país con niveles más altos de violencia asociada al conflictu armáu internu dende va décadas.

23 Audiencia en Nunchía. 13 de febreru del 2023.



*Audiencia en la ciudad de Arauca.*

Al movimientu social araucanu siguen calumniándolu y persiguiéndolu: estierru, prisión o muerte por defender el territoriu. Ye un exemplu de lo que pasa nel país.

El Puestu de Mandu Unificáu pola Vida n'Arauca, convocáu pol gobiernu nacional, ye un espaciu pa la protección de la dirixencia social del que delles organizaciones sociales se retiraron porque consideren inaceptable la influencia de les petroleres.<sup>24</sup>

La confrontación ente l'ELN y les disidencies de les FARC agravó'l riesgu pa la dirixencia social araucano convertió n'oxetivu militar. Los ataques a persones (doce dirixentes asesinaos nel últimu añu), cases (la residencia del dirixente comunal JHONY DIAZ atacáronla con granaes), organizaciones ya infraestructures civiles (dinamitaron la sé de les organizaciones sociales en Saravena), atenten escontra'l DIH y asoceden nuna ciudá como Saravena, copada pola fuercia pública.

24 Audiencia n'Arauca. 16 de febreru del 2023.

“Preocúpamos la violencia estrema en Saravena, qu'afecta a los sos 60.000 habitantes, dispersos en 74 collaciones. Hai un aumentu de la desapaición forciada de persones qu'acaben en muertos. Nel 2023 yá van ocho persones, ente elles dos venezolanos. Hai un aumentu de la desapaición forciada de persones y los familiares nun lo denuncien por mieu. Amás, la población nun quier acercamientos cola fuercia pública polos sos antecedentes. Tenemos quince asentamientos urbanos informales constituyíos sobre too por venezolanos. La migración venezolana agrava la situación d'inseguridá”.<sup>25</sup>

Na entrevista con suboficiales del Grupu de Caballería Mecanizáu Revéis Pizarro espresaron: “Equí falta tropa. Tenemos orde de nun faer operaciones ofensives, sinón d'estabilidá. Adelantamos un Plan Escudu pa protexer civiles, amás de protexer la infraestructura petrolera. Equí

25 Entrevista cola alcaldesa encargada de Saravena. 18 de febreru del 2023.



*Guardia campesina del Putumayo.*

hai guerrilla del ELN, pero nun hai paramilitares. Saravena tien varios corredores estratéxicos que lleguen a la ciudá y nun somos quien a controlalo too”.<sup>26</sup>

## SUMAPAZ

La XIX Delegación Asturiana sostuvo en Bogotá una entrevista col Sindicatu de Trabayadores Llabriegos de Sumapaz, SINTRAPAZ.

Sumapaz ye una llugar de monte con economía llabradora nel territoriu de Bogotá distritu capital. Per

décades foi una zona de conflictu armáu y de disputa ente empresas mineres y por intereses d'empresas que queríen privatizar les reserves d'agua de la metrópoli capital.

El campesináu organizáu en SINTRAPAZ opúnxose y desacreditáronlo, persiguiéronlo, amenazáronlo. Munches persones fueron deteníes y otre asesinaes, pero con too y con eso, llograron cola so resistencia que'l nuevu gobiernu decretara la creación de la Zona de Reserva Llabriega.

Nel páramu de Sumapaz el Batallón de Monte caltién dos bases con miles de militares a menos de 500 metros de centros poblaos, incumpliendo normes del DIH.

<sup>26</sup> Reunión col Grupu de Caballería Mecanizáu Revéis Pizarro, Saravena. 18 de febreru del 2023.



## I. ATAQUES A LA DIRIXENCIA SOCIAL, PERSISTENCIA DEL PARAMILITARISMU

Nel 2022 agraváronse los ataques y l'asesinatu impune de persones con autoridá social, al tiempu que medró'l control narco-paramilitar nos territorios que dexaron les FARC al desmovilizase.

“La fuercia pública nun ta protexendo de manera efectiva a les comunidaes y los sos representantes. Hai un vacíu nos territorios p'atender problemes d'esclusión, inequidá, polo que nun ye abondo cola sola presencia militar. Hai 160 conceyos con niveles de riesgu mui altu de sufrir ataques graves a los drechos humanos, dalgunos visitólos la delegación asturiana, como Tumaco, Arauca,

Saravena y otros. La violencia ye constante y agudizóse n'abril y n'ochobre del 2022. El Plan d'Emerxencia del nuevu gobiernu tovía nun incide na disminución de los ataques. Hai un patrón d'ataques escontra los integrantes de les Xuntes d'Aición Comunal en rexones del Cauca, Nariño, Arauca, Putumayo, Chocó, Magdalena Mediu, y escontra los puelos indíxenes, pa desarticulalos. Los ataques na so mayoría provienen d'axentes armaos non estatales. Les instituciones locales nun cambiaron la so mentalidá frente a ciertas violencias, y la fuercia pública nun respunde adecuadamente al conceptu de “seguridá humana” del nuevu gobiernu que reemplaza'l de “seguridá democrática” de les alministraciones anteriores. Colombia tien normatividá, pero nun hai coordinación, nin capacidá práctica. Ye previsible esti añu un escenariu



d'aumentu de la violencia venceyada a los procesos electorales nos territorios".<sup>27</sup>

Nel Casanare y nel Meta – como n'otros departamentos– el paramilitarismu aumentó'l control gracias a la financiación del narcotráficu colos llaboratorios móviles, y poles estorsiones.

En Casanare recibimos denuncies por aliances col paramilitarismu por parte de petroleres como Gran Tierra, Frontera Energy y Parrex Resources, que taríen apoyando la entrada de los paramilitares en Támara, Yopal, Sácama, Salinas y Nunchía.

Les agresiones graves escontra la dirixencia social queden impunnes na so mayoría. En dellos casos la fiscalía identificó al agresor, pero non a los autores intelectuales o enguizadores de les agresiones.

La violencia mortal, selectiva y sistemática escontra la dirixencia social, escontra les persones que, faciendo acopiu de valor, “falen en nome de toos”, busca desorganizar a les comunidaes a les que pretenden controlar mediante'l terror desatáu polos grupos armaos al serviciu del narcotráficu, de la gran minería y de los agro-negocios.

Gran parte de les agresiones mortales y de les amenaces de muerte impunnes escontra la dirixencia social provienen de grupos paramilitares como les Águiles Negres, el Clan del Golfu - Autodefensas Gaitanistes de Colombia AGC y otros grupos que persiguen a quien defende territorios y drechos humanos. Munches amenaces de muerte cúmplense.



Según INDEPAZ<sup>28</sup>, nel 2022 asesinaron a 189 persones con autoridá social nos sectores cívicu, llabrador, indíxena, ambientalista y sindical, amás de 42 firmantes del alcuertu de paz, pa un total de 231 persones, lo que constitúi una de les cifres más altes de los últimos años y una de les peores del mundiu.

“N’Arauca asesinaron a 13 cabezaleros sociales nel últimu añu. Les amenaces de muerte escontra'l profesoráu, afecta a la educación y dexó ensin clases a unos 10.000 neños/es”.<sup>29</sup>

Nel 2022 agraváronse los ataques mortales a persones con autoridá nes Xuntes d’Aición Comunal al pasar de 13 asesinaos nel 2021 a 52 nel 2022. Estes agresiones tán na dinámica de controlar el territoriu y les comunidaes per

27 Entrevista con CARLOS DE LA TORRE. Oficina de la ONX en Colombia.

28 <https://indepaz.org.co/lideres-sociales-defensores-de-dd-hh-y-firmantes-de-acuerdo-asesinados-en-2022/>

29 Audiencia en ciudá d’Arauca. 16 de febreru del 2023.



mediación del terror en departamentos como Arauca, Cauca, Bolívar y Putumayo.<sup>30</sup>

El número altu d'amenaces, agresiones y asesinatos dexen al descubiertu les deficiencias del sistema de seguridad a cargu de la Unidá Nacional de Protección, organismu nel que se descubrió una rede de corrupción qu'involucra mandos de la fuerza pública y empreses proveedores d'elementos de seguridad.

El paramilitarismu creció y sigue baxo diferentes nomes siendo l'exércitu priváu de los carteles del narcotráficu, los ganaderos, los agronegociantes y les empreses multinacionales, al tiempu que ye una ferramienta pa la guerra contrainsurrenta qu'apliquen sectores de la fuerza pública escontra la dirixencia social y escontra la población civil.

La dirixencia social colombiano sigue ensin garantías pa preservar la vida, polo que seis persones amenazaes de

muerte van ser acoyíes pol Programa Asturianu d'Atención a Víctimes de la Violencia en Colombia.

AURA CARABALÍ, cabezalera social, defensora de los drechos humanos, integrante del Movimientu de Víctimes de Crímenes d'Estáu, MOVICE capítulo Cauca, de la Corporación Colectivu Mujeres Trescendiendo Pola Paz, y de l'Asociación de Víctimes Renacer Sieglu XXI. Tán persiguiéndola y amenazándola, xunto cola familia, varios grupos armaos.

CRISTIAN NARVÁEZ, dirixente del sindicatu SIN-TRAEMSDDES - CUT, amenazáu de muerte por fundar el sindicatu del que-y esixen desafilarse, o lu maten.

DAVID MAYORGA, defensor de drechos humanos, cabezaleru social y comunal, director de CORPOINDH. Vien siendo persiguiu en Santander y el Magdalena Mediu, amenazáu de muerte y declaráu oxetivu militar pol Clan del Golfu.

LADY RIASCOS, cabezalera social, autoridá étnica, representante llegal del Conseyu Comunitariu La Nupa del ríu Caunapí, Tumaco (Nariño). Defensora de los drechos humanos, integrante de la Rede de Drechos Humanos del Pacíficu Nariñense y Pie de Monte Costeru, REDPHANA; delegada nel Espaciu Nacional de Consulta Previa pa comunidaes, NARP; componente de la Comisión de Siguimientu del Alcuertu de Paz. Amenazada de muerte dende'l 2019 por encabezar reclamaciones de tierras y por impulsar aiciones de protección del mediu ambiente.

MARGARITA JAIMES ye defensora de los drechos humanos, profesora universitaria y dirixente del Sindicatu de Defensores de Drechos Humanos de la Defensoría del Puelu, SINDHEP - CUT, sección Atlánticu. Ta siendo acosada y amenazada pol so llabor na atención a otres persones con autoridá social amenazaes de muerte.

MIGUEL ÁNGEL ORTIZ, cabezaleru social y defensor de los drechos humanos, integrante de la Vixilancia Ciudadana "Soi xoven de Buenaventura", componente de

30 <https://www.amnesty.org/es/documents/amr23/6234/2022/es/>

la organización Fundación Visión Pacíficu, que trabaya pa evitar l'allistamientu de menores.

A los ataques p'asesinar a la dirixencia social súmense los montaxes xudiciales que fai la fiscalía en departamentos como Casanare pa romper la llucha de les comunidaes escontra les petroleres. Ye'l casu de FREDY FIGUEROA, FERNEY SALCEDO, MIGUEL RINCÓN, HERMES BURGOS, CARLOS ROMERO, MYRIAM AGUILAR, MIGUEL DAZA y CARMEN SALCEDO.<sup>31</sup>

A otros dirixentes sociales amenácenlos de muerte y oblíguelos a marchar del territoriu, como'l cabezaleru llabriegu GILBERTO VARGAS.

Al sacerdote LUIS ALBEIRO CAMACHO, de la parroquia La Bendición de Yopal, amenazólu de muerte'l paramilitar conocíu como "John Calzones", ensin que la UNP ordene protección.<sup>32</sup>

En dalgunes rexones del país, como en Casanare, les disidencies de les FARC sumáronse a les amenaces de muerte que manifesten los paramilitares escontra la dirixencia social.

"N'Arauca les disidencies de les FARC atacaron al estilu paramilitar l'edificiu de les organizaciones sociales de Saravena y llanzaron granaes escontra la Empresa Comunitaria d'Acueductu, Cantarelláu y Aséu de Saravena. Tán usándose muyeres y neños p'atacar centros y cases".<sup>33</sup>

Cuando la delegación asturiana llegó a Colombia'l 12 de marzu del 2023 contabilizábase por INDEPAZ 15 masacres, 15 cabezaleros sociales y un firmante de paz asesinaos. Cuando la delegación regresó, doce díes más tarde, los datos yeren de 20 masacres, 17 cabezaleros sociales y un firmante de paz asesinaos, lo que da una idea de la cotidianidá y sistematicidá de los ataques.

31 <https://prensalibrecasanare.com/industriapetrolera/38383-libres-2-lideres-sociales-del-bloque-cubiro-20-meses-estuvieron-privados-de-la-libertá-por-denuncia-de-frontera-energy.html>

32 <https://casanarehoy.com.co/site/actualidad/alias-john-calzones-ahora-amenaza-hasta-los-sacerdotes-para-robar-terrenos/>

33 Audiencia n'Arauca. 16 de febreru del 2023.

## 2. EXECUCIONES ESTRAXUDICIALES Y MASACRES

El mieu tamién lu usaron militares y policíes pa someter a la población.

Gracies al trabayu de la Xurisdicción Especial pa la Paz vieno llanzándose verdá sobre la muerte de delles de les 6.402 persones qu'asesinó l'Exércitu Nacional y presentaes como "guerrilleros daos de baxa en combate" nos dos gobiernos d'ÁLVARO URIBE VÉLEZ.


El reconocimientu d'estos crímenes escontra la humanidá polos sos executores va permiti-yos acceder a una reducción de la pena y evitar la competencia de la Corte Penal Internacional.

Va ser el casu de los once militares identificaos na primer resolución de conclusiones de la XEP qu'esperen sentencia na modalidá de xusticia transicional dende'l Tribunal de Paz.

Ente los militares acusaos que reconocieron responsabilidad nes execuciones estraxudiciales ta'l xeneral Paulino Coronado Gámez, ex-comandante de la Brigada 30; los coroneles (r) Santiago Herrera Fajardo y Rubén Darío Castro Gómez, comandantes de la Brigada Móvil 15; el teniente coronel retiráu Álvaro Diego Tamayo Hoyos, comandante del Batallón d'Infantería N<sup>o</sup>. 15 'Xeneral Francisco de Paula Santander' (BISAN) d'Ocaña; el teniente coronel Gabriel de Jesús Rincón Amado, ex-oficial d'operaciones de la Brigada Móvil 15; y el teniente coronel Juan Carlos Chaparro, ex-xefe d'operaciones y ex-comandante encargáu del Batallón Francisco de Paula Santander. Tamién fueron acusaos oficiales d'intelixencia.<sup>34</sup>

La fuercia pública foi denunciada en 19 departamentos del país pol asesinatu de 71 persones civiles nel 2022,

34 <https://elpais.com/america-colombia/2022-10-21/la-jep-propone-sancionar-a-responsables-de-falsos-positivos-con-proyectos-de-reparacion.html>



dalgunes d'elles mientres exercien el drechu de protestar. El Ministeriu de Defensa aceptó delante la OACNXDH abrir investigaciones en 30 casos.<sup>35</sup>

La Rede de Drechos Humanos del Putumayo denunció l'asesinatu por tropes del Ejército Nacional –el 28 de marzu del 2022– d'once persones civiles na collación Alto Remanso, conceyu de Puerto Leguízamo (Putumayo). Los militares amazararon de guerrilleros, dispararon escontra la población civil y manipularon la escena del crime.<sup>36</sup>

El 25 de xunetu del 2022, integrantes de la Policía Nacional baxo les órdenes del teniente coronel BENJAMÍN NÚÑEZ JARAMILLO, retuvieron, torturaron y asesinaron a tres mozos nel correximientu Chochó, departamentu de Sucre: JESÚS DÍAZ, de 18 años d'edá; JOSÉ ARÉVALO, de 22, y CARLOS IBÁÑEZ, de 26 años.

Les masacres siguieron y agravaron nel 2002.

Según los datos del ACNXXDH cometiéronse 94 masacres nes que perdieron la vida 321 persones, de les que 270 yeren homes, 30 muyeres, 14 neños y 7 neñes.<sup>37</sup> De les persones asesinaes en masacres, 27 víctimes yeren integrantes de los pueos indíxenes (24 indíxenes y 3 afros).

35 <https://www.hchr.org.co/wp/wp-content/uploads/2023/03/Informe-Anual-2022-en-castellano.pdf>

36 <https://razonpublica.com/la-masacre-alto-remanso-terror-estrategia-militar/>

37 <https://ddhhcolombia.org.co/2023/03/03/informe-onu-ddhh-2023/>

Los departamentos más afectaos por masacres, la mayoría cometies por grupos narco-paramilitares o bandes criminales fueron: Antioquia, Cauca, Nariño y Valle del Cauca. En Nariño, Putumayo, Cauca, Norte de Santander y Chocó hebo masacres escontra persones y comunidaes oquestes a los cultivos de fueya de coca.<sup>38</sup>

### 3. POBLACIÓN EN SITUACIÓN D'ESLLARIGAMIENTU

Nel 2022 siguió l'esllarigamientu forciáu de persones. Polo menos a 82.862 persones obligáronles a salir con violencia de les sos cases y más de 102.000 persones fueron someties a confinamientu nos sos territorios.

La mayoría de los esllarigaos y de les persones confi-naes son integrantes de los pueos indíxenes y de les comunidaes afrodescendientes. “Los departamentos más afectaos polos esllarigamientos y confinamientos son Arauca, Cauca, Chocó y Nariño”.<sup>39</sup>

La ONIC insistió en que nenguna de les midies decidies por Colombia pal otorgamientu de drechos a la población migrante proveniente de Venezuela contién disposiciones con enfoque étnicu diferencial, lo qu'afecta directamente a pueos binacionales y a otros que se vieron forciaos a emigrar.<sup>40</sup>

38 <https://www.hchr.org.co/wp/wp-content/uploads/2023/03/Informe-Anual-2022-en-castellano.pdf>

39 <https://www.defensoria.gov.co/-/cauca-choc%C3%B3-nari%C3%B1o-y-arauca-los-m%C3%A1s-afectados-desplazamiento-forzado-y-confinamiento-en-julio>

40 [https://www.onic.org.co/images/CO-INFO-20230102-informe\\_final\\_afectaciones\\_DDHH\\_pueblos\\_indigenas\\_ONIC.pdf](https://www.onic.org.co/images/CO-INFO-20230102-informe_final_afectaciones_DDHH_pueblos_indigenas_ONIC.pdf)

#### 4. PERSONES PRIVAES DE LA LLIBERTÁ. TORTURA, TRATU CRUEL, INHUMANU O DEGRADANTE

La delegación asturiana pudo volver a les alcárceles zarras tres la pandemia. Visitóse la prisión de La Picota en Bogotá.

Comprobóse la continuidá del estáu de cosas inconstitucional declaráu pola Corte Constitucional nes Sentencias T-388 del 2013 y T-762 del 2015.

Más de 130.000 persones tán privaes de la llibertá en Colombia, sometíes a niveles altos d'apetiguñamientu nes alcárceles, nes estaciones de policía y en centros de detención transitoria, sometíes a amontonamientu, con graves restricciones d'accesu al agua potable y nula atención sanitaria, sometíos a inxerir alimentos en mal estáu o simplemente obligaos a aguantar fame, como denunciaron el 31 de marzu del 2023 los presos de la prisión de Cómbita.

Siguieron les denuncias por tratu cruel, inhumanu y degradante nes prisiones de Colombia.

El Movimientu Nacional Carcelariu espresó con protestes en varies alcárceles el llamáu de les persones privaes de la llibertá pa que se respete la so dignidá y que cesen actos de violencia, abusos sexuales, usu desproporcionáu de la fuerza, tortura y aisllamientu per periodos prrollongaos.

Les denuncias recibíes señalen que l'apetiguñamientu y el maltratu nos centros de detención preventiva allugaos nes estaciones de policía son peores que nes alcárceles.

Los presos por delitos políticos denunciaron la falta d'atención médica, la mala alimentación y l'amontonamientu como xeneradores de violencia y de descontentu, que s'espresa en fuelgues nes prisiones de La Dorada, Palo Gordo y Jamundí, y que'l restu de la población recluso que s'axunta nel Movimientu Nacional Carcelariu ta coordinándose colos movilizaos.



Dientro de la prisión La Picota la delegación asturiana alcontró un cadabre tiráu ente plásticos, muerte que nun se rexistró na pantalla correspondiente y que –según los presos– forma parte del ocultamientu, estratexa qu'aplicaron los penales na pandemia cuando les protestes de los presos se reprimieron con un saldu de 84 reclusos muertos y 200 firíos.

Los deteníos calculen que'l númberu de muertos en prisión dende'l 2018 supera la cifra de 4.000 persones, asuntu que se proponen abordar si se crea la Mesa Nacional Carcelaria.

Prisioneros integrantes del ELN denunciaron que'l gobiernu incumple'l compromisu de mandar a les cases “a morrer” a siete prisioneros mui graves y piden la llibertá pa otros cuarenta que tán graves. Denunciaron les pésimes condiciones de reclusión de les muyeres n'otres prisiones nes qu'hai tovía más opacidá de la situación que se vive dientro.



## 5. MUJERES, INFANCIA, MOCEDÁ, VÍCTIMES, POBLACIÓN LGBTI

La violencia basada en género agravóse nos territorios baxo conflictu armáu y nes rexones de frontera con Venezuela, Ecuador y Panamá. Nes rexones son cotidianos los feminicidios y el treslláu de muyeres y de neñes a rexones del Chocó y de Nariño, forciaes a combatir, a trabayar o con fines d'esplotación sexual.

La población sometió a control mediante'l mieu y el confinamientu tien nes muyeres, nes neñes, na infancia y na población LGBTIQ+ les principales víctimes de la esclavitú sexual, de les violaciones y de les restricciones a la llibre espresión.

“Aproximadamente 1 de cada 4 casos de violencia basada en género nel marcu de la protesta social inclúi fechos de violencia sexual, na que los agresores instrumentalicen

los cuerpos de les muyeres y de les persones LGBTI como una estratexa de poder y de control frente a la so participación nel marcu de la protesta social. (...) en munchos casos les violencias acompañense d'agresiones verbales por acosu sexual, en referencia a los cuerpos de manera oxetivizante, y col usu d'espresiones como “perra, zorra, voi violate, voi llambete, pa detrás de maruxu contestatariu”<sup>41</sup>

Una parte de la violencia escontra les muyeres y les neñes nun ye visible por asoceder nel entornu familiar.

Hai un aumentu de los casos d'embaranzos de madres menores de 14 años, asociáu a la marxinalidá y a la violencia basada en género.

Pal 2022 la Oficina del ACNXdH informó de 115 casos de neños/es y adolescentes allistaos por grupos ar-

41 Defensoría del Puelu de Colombia, Boletín #3 violencias basaes en género nel marcu de la protesta social, Delegada pa los Drechos de les Muyeres y Asuntos de Género, 4 de xunu del 2021.



maos non estatales (74 neños, 37 neñes y 4 ensin información sobre sexu). D'estos, 20 tendríenlos asesinao (11 neñes y 9 neños) y 12 neñes tendríen sufríu violencia sexual.<sup>42</sup>

“Amnistía Internacional tamién recibió información referente a la falta de respuesta o la respuesta deficiente del sistema de xusticia énte les denuncies presentaes por persones sobrevivientes de violencia basada en xéneru, especialmente por parte de la Fiscalía Xeneral de la Nación. Esto inclúi ca-

42 <https://www.hchr.org.co/wp/wp-content/uploads/2023/03/Informe-Anual-2022-en-castellano.pdf>

racterizaciones xurídiques inadecuaes y presiones pa retirar denuncies presentaes. Tamién documentó'l mieu y la falta de confianza de diverses persones sobrevivientes, que decidieron nun acudir a la Fiscalía Xeneral de la Nación. Estos afayos son preocupantes, dau'l papel esencial que xuega la llucha escontra la impunidá pa garantizar el drechu que tienen les muyeres y les persones LGBTI a vivir una vida llibre de violencia y discriminación”<sup>43</sup>

Les organizaciones de les víctimes del conflictu siguen denunciando l'abandonu del Estáu. Según el presidente

43 <https://www.amnesty.org/es/documents/amr23/6234/2022/es/>





*Puesto de control del ejército. Complejo petrolero Caño Limón. Arauca.*

Gustavo Petro: “La Unidad Víctimes convirtiéndose, como la SAE [Sociedad d’Activos Especiales], nun amagüestu de corrupción, construyeron mafias lligaes al paramilitarismu pa recuperar lo que perdieron. Espero qu’esti fiscal sía quien a investigala”.<sup>44</sup>

<sup>44</sup> Hollman Morris - La Unidad Víctimes se convirtió como la SAE, un festín de corrupción | Facebook | By Hollman Morris | “La Unidad Víctimes se convirtió como la SAE, un festín de corrupción, construyeron mafias ligadas al paramilitarismu pa recuperar lo que perdieron....

## 6. IMPUNIDÁ

Siguieron les denuncias de les organizaciones de derechos humanos escontra'l Fiscal Xeneral FRANCISCO BARBOSA, por graves casos de corrupción d'entro de la fiscalía y por protexer per aciu de falcatrúes xurídiques al ex-presidente ÁLVARO URIBE VÉLEZ y a persones allegaes, acusaes de fechos de corrupción y d'ataques graves a los derechos humanos.

Una fonte d'asimetrías xurídiques y d'impunidá ye la financiación de les empreses petroleres y mineres a la fiscalía y al Exército Nacional.

La fuerca pública al serviciu de les multinacionales, a traviés del Batallón Especial Enerxéticu y Vial, y una fiscalía ensin independencia son una fonte d'ataques graves ya impunes a los drechos humanos y de montaxes xudiciales escontra los opositores al esctractivismu.

La delegación asturiana recibió denuncies escontra la Fiscalía de Casanare porque-y ta ñegando l'accesu a la xusticia a munches muyeres que viven nos asentamientos humanos de Nunchía y de la ciudá d'El Yopal, que denuncien amenaces de muerte, intimidaciones graves y fechos de violencia basada en xéneru.

Recibimos denuncies de persones de la dirixencia social de Casanare que contrasten la dexadez de la fiscalía coles denuncies de les muyeres y l'esmeru qu'esi organismu pon pa persiguir xudicialmente a persones de la dirixencia social que temen la continuidad de los montaxes y falsos positivos xudiciales como parte de la estratexa de criminalización de la protesta social.

La competencia de la xusticia penal militar pa xulgar ataques graves a los drechos humanos cometíos por integrantes de la fuerca pública ye una fonte d'impunidá estructural.



“L'ACNXDH saluda la decisión de la Corte Constitucional d'asignar a la xusticia ordinaria la xurisdicción sobre la masacre d'El Tandil (Tumaco), que tendríenla cometío integrantes de la fuerca pública nel 2017. Esto representa un avance na aplicación d'estándares internacionales rellacionaos cola xurisdicción competente pa conocer presuntos ataques a los drechos humanos por parte de componentes de la fuerca pública. Sicasí, obsérvase qu'estos

estándares internacionales nun s'apliquen de manera consistente por tolos entes de xusticia, lo qu'aumentaría los niveles d'impunidad y compromete l'aplicación d'una xusticia independiente".<sup>45</sup>

## 7. PUELOS INDÍXENES

Los pueblos indíxenes siguen al borde del desañiciu físicu y cultural, polos ataques impunes escontra los comuneros y autoridaes tradicionales, y pola estrocena de los territorios ancestrales.

L'año 2022 foi'l más violentu pa los pueblos indíxenes dende la firma del alcuertu de paz hai seis años.

La ONIC denunció qu'a lo llargo l'año 2022 confinaron a 433.580 indíxenes de los pueblos embera, zenú y awá, en territorios de los departamentos d'Antioquia, Chocó, Córdoba, Sucre y Nariño, y echaron pola violencia a 8.183 indíxenes de rexones de Córdoba, Nariño y Vichada.<sup>46</sup>

La Organización Nacional Indígena informó que nel año 2022 sufrieron los siguientes padecimientos: "1. Vulneración a l'autonomía y soberanía sobre los sos territorios ancestrales. 2. Falta de soberanía alimentaria. 3. Falta d'apoyos pa economíes propies. 4. Negativa al desarrollu de la plurinacionalidá. 5. Ruptura del texíu cultural y enzancu a les práctiques espirituales. 6. Incumplimientu del autodetermín y de l'autonomía. 7. Desnutrición estrema de neños, neñes y adolescentes. 8. Ataque a los drechos con enfoque de muyer, familia y xeneraciones. 9. Vulneración del drechu a la vida. 10. Delitos escontra la llibertá, la integridá y la formación sexual. 11. Trata de persones. 12. Captación de les economíes ilegales / contrabandu. 13. Non afiliación al Sistema de Seguridá Social en Salú. 14.

45 <https://www.hchr.org.co/wp/wp-content/uploads/2023/03/Informe-Anual-2022-en-castellano.pdf>

46 [https://www.onic.org.co/images/CO-INFO-20230102-informe\\_final\\_afectaciones\\_DDHH\\_pueblos\\_indigenas\\_ONIC.pdf](https://www.onic.org.co/images/CO-INFO-20230102-informe_final_afectaciones_DDHH_pueblos_indigenas_ONIC.pdf)



Falta de vivienda digna. 15. Falta de garantías pal exerciciu de la etnoeducación. 16. Torga pal accesu a la educación intercultural certificada. 17. Discriminación y racismu. 18. Deportaciones o espulsiones ilegales. 19. Pauperización y miseria. 20. Restricción a la movilidad na zona de frontera. 21. Esllarigamientu masivu forciáu. 22. Atentaos. 23. Allistamientu forciáu. 24. Amenaces. 25. Vulneración del drechu / principiu de participación y concertación. 26. Incumplimientu del drechu a la nacionalidá".<sup>47</sup>

47 [https://www.onic.org.co/images/CO-INFO-20230102-informe\\_final\\_afectaciones\\_DDHH\\_pueblos\\_indigenas\\_ONIC.pdf](https://www.onic.org.co/images/CO-INFO-20230102-informe_final_afectaciones_DDHH_pueblos_indigenas_ONIC.pdf)



*Audiencia en Saravenal/Arauca.*

La ONIC espresa preocupación poles llaceries que xenera la condición apátrida na población indíxena d'árees de frontera, que nun foi reconocío como población binacional, con tola esclusión que xenera pa puelos como: “wayuu, awá, sikuani, cubeo, piapoco, curripaco, bari, inga, kichwa, yagua, tikuna, cocama, tule, yukpa, jivi, amorúa, u'wa, e'ñepa, makaguan, y otros, que comparten los elementos necesarios pa ser una nación: identidá cultural, territoriu, llingua, sistema de gobiernu, alministración de xusticia y el reconocimientu de la soberanía organizativa según los trataos de Drechos Humanos a los que s'obligó Colombia énte la comunidá internacional”.<sup>48</sup>

48 [https://www.onic.org.co/images/CO-INFO-20230102-informe\\_final\\_afectaciones\\_DDHH\\_pueblos\\_indigenas\\_ONIC.pdf](https://www.onic.org.co/images/CO-INFO-20230102-informe_final_afectaciones_DDHH_pueblos_indigenas_ONIC.pdf)

## CONCLUSIONES

1. Valoramos la voluntá espresa del gobiernu de GUSTAVO PETRO y FRANCIA MÁRQUEZ de respetar los drechos humanos y construyir la paz, propósitos que xeneren esperances en Colombia y simpatíes n'Europa y de manera especial n'Asturies.
2. Constatamos la espansión y la degradación creciente del conflictu armáu internu, con consecuencias graves pa la población civil, marcáu pol narcotráficu, la minería y los agronegocios.
3. Nun hai garantías. Siguen los ataques escontra la dirixencia social, los firmantes de la paz y les muyeres cabeces de casa nos asentamientos humanos de Yopal y Nunchía, la persecución escontra la dirixencia llabriegu, los puelos indíxenes y les comunidaes negres



*Audiencia en Villa Garzón/Putumayo.*

4. con procesu previu de calumnies, y también la falta d'efectividá del sistema de protección y de garantías.
5. A la impunidad estructural s'asume l'asimetría xurídica que xenera'l desdexamientu de la fiscalía pa xudicializar a quien agrede a la dirixencia social y a quien financia los ataques.
6. La fiscalía ta ñegando l'accesu a la xusticia a muyeres que denuncien señalamientos y violencia basada en xéneru.
7. les informaciones recibies dan cuenta de la re-paramilitarización del Casanare y d'otres rexones del país nes qu'estos grupos son un para-Estáu.
8. Siguen los ataques escontra puelos indíxenes en tol país. Los puelos awá y los eperera-siapidara tán sometíos al allistamientu de menores y al confinamientu.
9. Siguen ensin desminase los territorios de puelos indíxenes como los awá y los embera del Chocó.
10. Persiste l'esllarigamientu forciáu de les comunidaes de Tumaco, Alto Mira y Frontera.
11. Agraváronse los ataques econtra maestros/es rurales dexando miles de neños/es ensin accesu a la educación en zones del Cauca, Nariño, Putumayo, Arauca y otros rexones.



*Río Caquetá.*

11. Persisten les denuncias escontra empreses multinacionales como la minera canadiense Libero Cobre, que nel Altu Mocoa tien el refugu de les comunidaes, que cusionen los sos métodos y l'impautu de la so actividá.
12. Sigue l'allistamientu de menores y los actos de "llimpieza social" qu'afecten al colectivu LGTBI+, y tamién la explotación sexual y la violencia escontra les muyeres nes zones petroleres y cocaleres de rexones como'l Putumayo.
13. Siguen atacándose los drechos humanos de la población privao de la llibertá.
14. Constatamos l'abandonu del Estáu a les víctimes de la guerra y la falta de voluntá de dalgunos funcionarios p'atendeles y facilita-yos reparación.
15. Destacamos el trabayu que ta realizando l'Axencia de Restitución de Tierres, qu'avanza na eliminación de

torgues p'axilizar na xera de devolver a les víctimes les tierres que-yos quitaron.

## **RECOMENDACIONES AL GOBIERNU DE COLOMBIA:**

Concertar coles comunidaes les prioridaes d'inversión social del Estáu nos territorios y la presencia de la fuercia pública.

Priorizar midíes que lleven a un descensu humanitariu del nivel del conflictu armáu. Cese indefiníu del fueu y de los enfrentamientos col ELN.

Acelerar el cumplimiento del acuerdo de paz suscrito con las FARC destinando recursos abundantes en el Plan de Desarrollo cuatrienal.

Difundir las conclusiones de la Comisión de la Verdad y seguir sus recomendaciones para evitar la impunidad y la repetición.

Garantizar el derecho a la vida y las libertades fundamentales de la población.

Garantizar la realización de la consulta previa, libre y informada a los pueblos indígenas y a las comunidades afro sobre los planes de inversión que afecten a los territorios y a los pueblos.

Garantizar el acceso a la justicia a las mujeres y a otros sectores sociales vulnerables, y tomar medidas para evitar el alistamiento de menores con fines bélicos o explotación sexual o laboral.

La fiscalía tiene que asumir la responsabilidad de investigar con procura los actos de corrupción y los ataques a los

derechos humanos cometidos por agentes del Estado, y dejar de usar la justicia para perseguir opositores sociales y políticos.

## RECOMENDACIONES A LOS GOBIERNOS ESPAÑOL Y EUROPEO:

Cumplimentar las resoluciones de los parlamentos respectivos, al respecto del apoyo a la paz y a los derechos humanos en Colombia.

Acompañar con medidas concretas las formulaciones en curso para la paz total y por el respeto a los derechos humanos.

Promover y fortalecer los programas de protección para personas defensoras de los derechos humanos.



*Audiencia en el asentamiento Mi Nueva Esperanza. Nunchíal/Casanare.*

## INSTITUCIONES ENTREVISTAE

Alcalde de Puerto Guzmán, Putumayo  
 Alcaldía del Conceyu de Saravena, Arauca  
 Complexu Carcelariu y Penitenciariu Metropolitano de Bogotá 'La Picota'  
 Comandu del Departamentu de Policía del Casanare  
 Conseyu Departamental de Paz d'Arauca  
 Exércitu Nacional nel Putumayo  
 Embaxada d'España  
 Gobernador (e) d'Arauca, Wilinton Rodríguez Benavidez  
 Grupu de Caballería Mecanizada N<sup>o</sup> 18 Xeneral Revéis Pizarro del Exércitu Nacional  
 MAP - OEA, Misión d'Apoyu a la Paz, Organización d'Estaos Americanos  
 Ministeriu d'Asuntos Esteriores de Colombia  
 Misión de Verificación de la ONX en Colombia  
 Oficina de Drechos Humanos del Ministeriu del Interior  
 Oficina de la ONX pa los Drechos Humanos  
 Representante del Conceyu de Pitalito (Huila)  
 Policía Nacional Departamentu del Putumayo  
 Procuraduría Rexonal del Putumayo  
 Responsable de Drechos Humanos na Gobernación del Putumayo  
 Secretariu de Gobiernu del Putumayo  
 URT, Unidá Alministrativa Especial de Xestión de Restitución de Tierres Desaprosiasas  
 Unidá de Víctimes, Putumayo  
 UNP, Unidá Nacional de Protección, Putumayo  
 Unidá pa l'Atención y Reparación Integral a les Víctimes, enllaz en Puerto Leguízamo



## ORGANIZACIONES ENTREVISTAE

ACEU, Asociación Colombiana d'Estudiantes Universitarios  
 ACIESNA, Asociación de Cabildros Índixenes Eperara Siapidara de Nariño  
 ACNXR, Axencia de la ONX pa los refuxaos  
 ACVC, Asociación Llabriega del Valle del Ríu Cimitarra  
 AJAA, Asociación de Moceda y Amigos d'Aguazul  
 AMAR, Asociación Amanecer de Muyeres por Arauca  
 AMTA, Asociación de Muyeres Trabayadores Agropecuarios d'Araucita



ANDAS, Asociación Nacional d' Ayuda Solidaria

ANJECO, Asociación Nacional de Moedad y Estudiantes de Colombia

ARN, Axencia pa la Reincorporación y la Normalización, Putumayo

ASEDAR, Asociación d' Educadores d' Arauca

Asentamientos Humanos de Nunchía y Yopal (Casanare)

ASEP, Asociación d' Educadores del Putumayo.

ASMUC, Asociación de Mujeres Aunies por Casanare

Asociación llabriegua Puerto Guzmán

Asociación Comunitaria Agroalimentaria del Piedemonte

Asociación de Collaciones del Cunamá (Aguazul)

Asociación Productores y Comercializadores de Yuca

Asociación de Carretilleros de Puerto Guzmán

ASOCOETNAR, Asociación de Consejos Comunitarios y Organizaciones Étnico-territoriales de Nariño

ASOJER, Asociación Moza y Estudiantil Rexonal

ASOJUNTAS, Asociación de Xuntes d' Aición Comunal del Conceyu de Saravena

ASOMAGÜI, Asociación de Consejos Comunitarios de Magüi

ASONALCA, Asociación Nacional Llabriegua José Antonio Galán Zorro

ASOVEC, Asociación de Collaciones de Cunamá

AVISPAD Asociación de Víctimes del Esllarigamientu

Cabildru nasa de Puerto Asís

Cabildru nasa Guadales



*Ministerio del Interior, Dirección de Derechos Humanos. Bogotá.*

CAMAWARI, Asociación d'Autoridades Tradicionales del Puelu Awá

Campaña Escontra la Brutalidad Policial

Cantores - Voces del Pacífico

COAGROSARARE, Cooperativa Agropecuaria del Sarare

Colectivu xuvenil RAÍCES Guzmanenses

COMUCCOM, Cooperativa Multiactiva Comunitaria del Común

Conseyeres/os Mayores de la ONIC

Consejería de los Cabildros del Puelu nasa del Putumayo

Conseyu Comunitariu La Voz de los Negros

Conseyu de Paz d'Arauca

Conseyu Mucedá de Pitalito

Coordinador nasa Baxu Putumayo

COOTRANAR, Cooperativa de Tresportadores d'Araucita

CORDECAMPO, Corporación pal Desarrollu y Defensa del Campu

COSPACC, Corporación Social pa l'Asesoría y Capacitación Comunitaria

CPDH, Comité Permanente pola Defensa de los Drechos Humanos, Nariño (Arauca)

CRIC, Conseyu Rexonal Indíxena del Cauca

CSPP, Comité de Solidaridá colos Presos Políticos

CUT, Central Unitaria de Trabayadores

Delegación del CRIC n'Aguaditas

ECAAAS, Empresa Comunitaria d'Acueductu, Cantarelláu y Aséu de Saravena

Ex-alcalde de Timaná (Huila)

FECODE, Federación Colombiana d'Educadores

Federación de Xuntes d'Aición Comunal

FENSUAGRO, Federación Nacional Sindical Unitaria Agropecuaria

Firmantes del Alcuertu de Paz

Fundación de Drechos Humanos Joel Sierra

Fundación defensa DDHH, Pitalito



*Rueda de prensa en la ONIC. Bogotá.*



*Reunión en Yopal/Casanare.*

GAMBICA, Asociación de Mujeres  
 Gobernador nasa resguardu Cerro Guadua  
 Gobernador nasa resguardu El Descanso  
 Gobernador resguardu Aguaditas  
 Guardia Amazonía  
 Guardia Llabriega del Putumayo  
 Guardia Indíxena Awá  
 Guardia Indíxena Nasa (Putumayo)  
 Guardia Interétnica, Llabriega y Popular del Centro-oriente  
 JAC Medio Afán  
 JAC collación La Morelia  
 JAC collación La Patria  
 JAC, Xunta d'Aición Comunal del Altu Mira y Frontera

JAC, Xunta d'Aición Comunal El Cedro, collación Calenturas  
 JUCO, Mucedá Comunista Colombiana  
 Xusticia y Paz, Putumayo.  
 Marcha Patriótica  
 Mesa d'Organizaciones Cívico-populares d'Arauca  
 Mesa de Víctimes de Puerto Guzmán  
 Mesa de Víctimes de Tumaco  
 Mesa de Víctimes Pitalito  
 Mesa de Víctimes Adulto Mayor, Putumayo  
 MOVICE, Movimientu de Víctimes de Crímenes d'Estáu  
 Movimientu Social y Políticu de Mases del Nororiente  
 Movimientu Vía Llabriega en Colombia  
 OFB, Colectivu Socioxurídicu Orlando Fals Borda

OIC, Organización Indígena del Casanare

ONIC, Organización Nacional Indígena de Colombia

ORIPAP, Organización de Resguardos Indígenas del Puelu Awá del Pacífico

Padre Luis Albeiro Camacho, diócesis de Yopal

Partíu Comunes

PCC, Partíu Comunista de Colombia

Presos políticos del ELN en La Picota

Puelu indígena U'wa, resguardu Chaparral (Barronegro)

RECOMPAS, Rede de Drechos Humanos del Pacífico Sur

Rede de Drechos Humanos del Putumayo, Piamonte y Sucumbíos (Ipiales, Nariño)

ReDHPana, Rede de Drechos Humanos del Pacífico Nariñense

SINDEAGRO, Sindicatu de Pequeños y Medianos Productores Agropecuarios del Departamentu d'Arauca

SINDEAGRO, Sindicatu de Pequeños y Medianos Productores del Agro

SINTRAPAZ, Sindicatu de Trabayadores Agrícolas del Sumapaz

SINTRAPUTUMAYO, Sindicatu de Trabayadores del Petroleu del Putumayo

UNIPA, Unidá Indígena del Puelu Awá

USO, Unión Sindical Obrera de la Industria del Petroleu

UTRAHUILCA, Cooperativa Latinoamericana d'Aforru y Creitu

Vía Llabriega Colombia



*Sede del partido Comunes. Bogotá D.C.*



## MEDIOS DE COMUNICACIÓN

*Canal Via3tv*

*Casanare Online*

*Emisora Armonía*

*La Red, Informativos del Casanare*

*La Voz de Yopal*

*Manantial Noticias*

*Noticias de Saravena*

*Noticias del Piedemonte*

*Prensa Libre*

*Radar Noticias de Saravena*

*Radio Noticia del Casanare*

*RCN*

*Semanario VOZ*

*Trochando Sin Fronteras*

*Parroquia  
La Bendición.  
Yopal/Casanare.*



*Entrevista con el gobernador de Arauca.*

**CON EL APOYO DE:**

